

VISCHNAUNCA DA RUEUN

REGLAMENT DA DEPONIA

Art. 1

Il deponer material da tut gener (mischiera etc.) sin territori dalla vischnaunca da Rueun ei mo lubiu en loghens expressivamein dessignai dalla suprastanza communal per quei intent.

Principi

Art. 2

La vischnaunca da Rueun ei buca obligada da schar deponer material da scavament e mischiera da baghets dad ordvart sin siu intsches.

Exclusiun

Art. 3

Scumandau sin igl entir intsches da vischnaunca ei il deponer da:

- rumians ed rufid bloccont
- curdems specials (vehichels ed autos vegls, fier veder, rumians animalics, medicinal ni che cuntgnan ieli, liquids che pericliteschan l'aua etc.)

Scamond

Art. 4

Il gerau da vias ei responsabels per ils fatgs da deponia.

Cau

Art. 5

Tgi che quenta deponer material ei obligaus d'annunziar quei al gerau da vias. Las ordras dil gerau da vias ein da respectar en tuts graus.

Annunzia

Art. 6

Per deponer material en ina pli gronda dimensiun quenta la vischnaunca ina taxa da frs. 7.-- per m3. Quella taxa sa vegnir adattada dalla suprastanza communal da tut temps tenor situaziun. Il quen vegn tschentaus tenor scret da furniziun, offerta digl impressari ni tenor las cubaturas che vegnan eruidas sil plaz.

Taxa

Art. 7

La taxa ei da pagar enteifer 30 dis naven dalla finiziun dallas lavurs da deponer.

Termin

Art. 8

Il manteniment dalla deponia da material ei caussa dalla vischnaunca.

Manteniment

Art. 9

Cuntravenziuns enviers prescripziuns da quest reglament e singulas disposiziuns dalla suprastanza communal che sebasan sin quel, vegnan punidas cun castitgs da frs. 50.-- entochen frs. 5'000.--

Puniziuns

In stadi irregular sto sin cammond dalla suprastanza communal vegnir dismiss enteifer 30 dis. Suonda il visau buca il cammond sa la suprastanza communala trer la mesiras necessarias cun adossar ils cuosts ad el.

Art. 10

Quest reglament passa en vigur cun l'approbaziun entras la radunonza communal.

Vigur

Approbau entras la radunonza communal dils 23. Okt. 1992

Per la vischnaunca da Rueun:

Il president:



Igl actuar:

[Handwritten signature]